

11 MAY 2001

DR MAHATHIR BERTEMU VETERAN UMNO

KUALA LUMPUR, 11 Mei (Bernama) -- Presiden Umno Datuk Seri Dr Mahathir Mohamad hari ini mengadakan pertemuan dan berdialog dengan anggota veteran Umno pada satu majlis sempena ulang tahun ke-55 penubuhan Umno.

Majlis "Memperingati Perjuangan Umno dan Pertemuan Presiden Umno Bersama Veteran" itu diadakan di Dewan Merdeka, Pusat Dagangan Dunia Putra di sini dan dihadiri kira-kira 2,500 orang.

Acara dimulakan dengan nyanyian lagu Negaraku dan diikuti dengan upacara menaikkan bendera Umno, nyanyian lagu Umno "Bersatu Bersetia Berkhidmat", seterusnya lagu "Bahtera Merdeka" dan "Tanah Airku" oleh penyanyi lagu patriotik, Roy.

Yang turut hadir ialah Timbalan Presiden Datuk Seri Abdullah Ahmad Badawi, Naib-naib Presiden Umno serta anggota Majlis Tertinggi.

-- BERNAMA

RV HS NMO